

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 605 del 10/03/2026

Didament per projec ouc a la valorisazion e sparpagnament di valores e simboi de l'Autonomia

Promozion de l'Autonomia; l'é stat aproà i criteries per soradèr i contribuc

[Ladino] La Jonta provinzièla, aldò de la proponeta del assessor per la promozion de la cognoscenza de l'Autonomia Simone Marchiori, l'ha aproà criteries, modalitèdes e condizions per la conzescion de contribuc per didèr la realizazion de projec e scomenzadives per la valorisazion e sparpagnament di valores e di simboi de l'Autonomia. L provediment l met dant la cornisc olache cognarà stèr ite i avisc che te la setemènes che vegn l'Aministrazion la publicarà per tor su la proponetes da pèrt di sogec enteressè: enc del terz setor, enc local, scoles e istituzions formatives del teritorie. "Per ge dèr seghit a chel che l'é jà stat envià via l an passà, va inant la scomenzadives outes a portèr inant sul teritorie noscia spezièla Autonomia – l fèsc a saer l assessor Marchiori -. Via per la setemènes che vegnarà manà fora avisc specifichs per sostegnir la realizazion de projec concrec che deida a slarièr fora la cognoscenza storica, culturèla e giuridica de l'Autonomia del Trentin, con atenzion particulèra a la generaziions joenes e ai valores che i la caraterisea: responsabilità, partezipazion, autogoern, solidarietà e sentiment de partegnuda a la comunanza”.

I benefizières e la ativitèdes che pel vegnir ametù

Aldò del document aproà dal esecutif, chi che pel aer i contribuc l'é la organizacions de volontariat e la sociazions de promozion sozièla scrites ite tel RUNTS, la sociazions, la fondazions (fora che cheles finanzièdes da la Provinzia autonoma de Trent) e etres enc de carater privat senza fins de vadagn, i Comuns e la Comunitàdes de Val/Teritori Val de l'Adesc, la istituzions scolastiches e formatives con senta operativa te la provinzia de Trent.

L vegnarà ametù a contribut i projec e la scomenzadives metudes a jir sul teritorie provinzièl e che les revèrda una o più de la ativitèdes scrites cassot:

- promozion e sparpagnament de la cognoscenza storica, culturèla o giuridica de l'Autonomia del Trentin;
- valorisazion, con referiment particulèr te anter i joegn, de la cultura de l'Autonomia;
- ideazion, valorisazion o sparpagnament di simboi de l'Autonomia;
- realizazion de studies e enrescides su l'Autonomia;
- interpretazion di valores de l'Autonomia a na moda dinamica, inovativa e atuèla.

Chesta scomenzadives les pel vegnir fates trèdes evenc, mostres, laboratories o produzioni de musica, teater, filmac, bai o outra sort de èrts performatives.

I projec i cogn perveder de portèr inant uno o più de chisc valores de l'Autonomia: responsabilità, partezipazion, autogoern, convivenza te la pèsc, cooperazion transfrontaliera, solidarietà, sussidiarietà, sentiment de identità e de partegnuda a la comunanza, recognosciment del pluralism linguistich. No l vegn pervedù de finanzièr la realizazion e publicazion de libes.

Prozedures e speises ametudes

La domanes de contribut les cognarà vegnir portèdes dant a la struttura provinzièla competente en cont de promozion e valorisazion de l'Autonomia ti tempes e aldò de la modalitèdes che vegnarà stabilides dai

desvalives avisc publics. La struttura la se cruziarà de l'istrutoria de la domanes portèdes dant - che les vegnarà valutèdes da na comiscion metuda su aposta – la aproarà la graduatories di projec ametui a contribut e la se cruziarà de ge conzeder l finanziament enfin a durèr duta la ressorses a la leta.

Pel vegnir finanzià la speises per l'ideazion e la realizazion del proje o de la scomenzadiva, la speises per la produzion de material didatich, de sparpagnament, de comunicazion e de promozion e per enjignèr, e ence la prestacions di servijes desche consulenzes scientifiches, informatiches e de comunicazion, servijes de trasport, projetazion grafica, encèries a profescionis, servijes tipografics, paamenc a relatores, speises de interpretariat e traduzion.

Traduzion di Servijes Linguistics e Culturèi del Comun general de Fascia

(cdt)